

## 176.

*Thobias, episcopus Pragensis, ad praesentationem [Johannis], abbatis de Waldsassen, Sigefridum, filium Conradi de Paulsdorf, in plebanum ecclesiae in Planá confirmat.*

5

Pragae 1281 sept. 29.

*Autographum in membrana scriptum in archivo publico in Amberg (sign. KU Waldsassen 89) asservatur (A).*

*Reg: Reg B IV, pag. 158 s. num. — Reg II, pag. 543 num. 1262. — Gradl, Monumenta I, pag. 127 num. 346.*

10

*Lit: Nový, Listiny, pag. 77–78. — Dušková, Formulář Tobiáše z Bechyně, pag. 66. — Havel, Listinné písmo v Čechách I, pag. 51, 119.*

*In chartae tergi parte inferiore manu saec. XIV. scriptum legitur: „Confirmatio episcopi Pragensis plebani presentati ad ecclesiam in Plana“.*

*Scriba: T 3 = ignotus. Exempla script. num. 2 a, 3.*

15

*Dictator: cancellariae episcopi proprius, qui stilo canonico usus est.*

*Vide: II. 2 a, Thobias episcopus (E), 3 b, Aliae ecclesiae (E).*

Noverint universi presentes litteras inspecturi, quod nos Thobias, Dei gratia Pragensis episcopus, ad pre||sentationem honorabilis viri ..,<sup>1</sup> abbatis de Walthsaz, Cisterciensis ordinis, patroni ecclesie de Plana || nostre diocesis, Sifridum clericum, filium nobilis viri Chunradi de Paulsdorf, in plebanum || ipsius ecclesie de iure vacantis  
20 tenore presentium duximus confirmandum<sup>a</sup> instituentes ipsum in eadem ecclesia rectorem legitimum et plebanum ac in ea sibi spiritualia porrigentes. In cuius rei testimonium et predicti plebani cautelam presentes litteras exinde sibi fieri fecimus nostri sigilli munimine roboratas. Datum Prage anno Domini millesimo CC<sup>o</sup>  
25 octuagesimo primo, in die sancti<sup>b</sup> Michaelis, decime indictionis,<sup>2</sup> pontificatus<sup>c</sup> nostri anno tertio.<sup>b c</sup>

*Sigillum: in filis sericis rubri et glauci coloris appendebat, sed avulsum et deperditum est.*

## 177.

*Johannes, abbas Cistercii, totusque conventus abbatum capituli generalis ad  
30 petitiones quondam [Přemysli Otakari II.], regis Bohemiae, et nunc [Venceslai II.], heredis regni Bohemiae, [Cunegundis], reginae Bohemiae, et [Ottonis V.], tutoris terrae Bohemiae, paternitatem monasterii in Zlatá Koruna, quae primum ad monasterium*

---

176. <sup>a</sup>) ‚confirmandum‘ A. — <sup>b-b</sup>) Sub charta replicata scriptum est in A. — <sup>c-c</sup>) Verbis competenter distentis, ut ultima linea expleretur, scriptum est in A.

35

<sup>1</sup>) *Johannis.* — <sup>2</sup>) *Indictionis numerus recte adducitur, nam in cancellaria episcopi Thobiae indictio Bedana in usu erat.*